

txoritxoari mokoka

Loft story (2)

Azken asteetan, araudiari jarraikiz, elkar salatzen hasi dira M6 kateak *preso* dauzkanak: adiskide handiak baina astero *adiskide* bat bota behar; ondotik malko beroak bota eta kito! Dirua batendako da bakarrik, gizarte honi dagokion bezala, eta sentimenduek ez dute gure munduan lekurik.

Zer esan, berriz, gustuko ez dutena botatzeko deitzen duten ikus-entzuleez? Ordainduz, gainera! Lau milioi pertsonak deitu omen dute lehiaketako telefonora, antolatzailerik 8 milioi libera baino gehiago oparituz... (200 milioi



EGUNKARIA
Loft story saioko irudi bat.

Xarlo Etchezaharreta

pezeta inguru). Beste hainbeste gertatzen omen da Espainiako *Big Brother*-ekin, milioika pertsona deika «zozoloe-tako» bat kanporatzeko. *Loft story*-n, araudia aldatu dute, orain ikusleek etxean nor egotea nahi duten «erabakiko» dute (nahiz eta gidoilariak duten azkeneko hitza).

Duela urte batzuk, 1940a eta 1944a artean, salaketa berak egiten ziren nazien aginduz: sasigudariak edo gustukoak ez zirenak salatzen zituzten askok eta askok; ezer kobratu gabe. Malko beroak botaz, hori bai!

Hirurogei urte pasatu dira, baina gizartea hobetu dela eta jendea argiago dela nork esan dezake?

LABURAEAN

TVE1 'CRÓNICA EN VIVO'

Paco Lobatonen saio berria estreinatuko dute gaur gauean

Hiru urtez *desagertuta* egon ondoren, Paco Lobaton TVEra itzuli da. Haren saio berriak *Crónica en vivo* izena du, eta adin txikiko hiltzaileei buruzko erreportaia batekin hasiko da (23:25ean). Ikerketa erreportaiaren ondoren, adin txikikoen lege berriari buruzko eztabaida izango da. Paco Lobatonek honako hitz hauek egin ditu bere itzuleran: «Telebista asko zabartu da. Gaur egun, *Quién sabe dónde* arte eta entseguko saiotzat joko litzateke».

Quiero plataforma digitalak 12.000 milioi pezetako kapital handitzea onartu du


Urtebete egin berri du Quiero plataforma digitalak. Proiektu berriei aurre egiteko, 40.000 milioi pezeta behar dituzte, eta oraingoz 12.000 milioiko kapital handitzea onartu dute. Akziodunek egingo diete aurre horiei; BBK-k akzioen %1 du, Kutxak %1, Caja Navarrak %1,5 eta Euskaltelek %1,5.

ETB2 'EL FACTOR HUMANO'

Euskaldunen sexu fantasiak eta gutziak mintzagai

Sex o no Sex izeneko erreportaia emango dute gaur gaueko 00:05ean, ETB2 kateko *El factor humano* saioaren barnean. Euskal Herriko herriar anonimoen iritziak eta zenbait pertsona ezagunenak jasoko dituzte: Julio Ibarra, Itziar Alduntzin, Klaudio Landa, Andoni Aizpuru, Marta Lopez eta abar. Horrez gain, ginekologo, psikologo eta sexologoek hiritarren kezka eta sineskeria faltsu zabalduenen inguruan hitz egingo dute.

EUSKADI GAZTEA. Gonbidatu ugari izango dira gaur Guggenheimen



XABIER USABIAGA

David Etxebarria txirrindularia (argazkian), Imanol Agirre pilotaria eta Joseba Etxeberria futbolaria Bilboko Guggenheim izango dira gaur arratsaldean, Euskadi Gazteko *Hi bizi haiz, hi*-ko saio berezian.

'Hi bizi haiz, hi', Bilbon

Dani Arizala: «Donostiatik, Iruñetik eta Baionatik ere egingo dugu aurki irratsaioa»

Urtzi Urkizu | DONOSTIA

Miramondik egiten dute Dani Arizalak eta Maria Gomezek arratsaldero Euskadi Gazteko *Hi bizi haiz, hi* irratsaioa. Baina gaur Bilbora joango dira, Guggenheim museotik zuzeneko saio berezia egiteko. Horren arrazoiak hitz egin digu Danik. «Iaz lehen saioa egin genuen estudiantik kanpo, Gasteizen. Oso ondo joan zen, eta iruditu zitzaigun beste hiriburuetan egitea polita izango zela».

Saioko laguntzaile guztiak egongo dira Bilbon: Anbotoko Mari eta Mehiel aztiak, etxeko

lanetan aholkuak ematen dituen Iker, Amaia Vazquez sexologoa, Maitena Zubia eta Ana Oiartzun. Aste osoan saioan ohikoak diren gaiak jorratuko dituzte, 19:00etatik 21:00etara. «Publikoak parte hartu beharko du, baina ondo pasatzeko. Denen artean komunikazioa egotea nahi dugu. Bestetik, Joseba Etxeberria futbolaria, Imanol Agirre pilotaria eta David Etxebarria txirrindularia gonbidatu ditugu», kontatu digu Euskadi Gaztea irratiako esatariak.

Saioa zuzenean nola egiten duten ikusi nahi dutenek Guggenheim museoko auditoriora

joan beharko dute, 18:45ean. Sarrera doan izango da, gainera. Entzule askorentzat misterio bat da Danik zer itxura duen, eta gaur bilbotarrek sekretu hori deskubritu ahal izango dute. «Baina, tira, espero dut joaten direnen artean gelditzea sekretua. Bestela, ez dago modurik horrelako zerbait egiteko. Bi ordu bakarrik izango dira, gero estali eta kito», esan dio EGUNKARIARI Danik.

Beste hiriburuetan horrelako saio berezia egiteko asmoa dutela iragarri digu *Hi bizi haiz, hi*-ko gidariak. «Donostiatik, Iruñetik eta Baionatik saioa egiteko intentzioarekin gabiltza».

Bosgarren denboraldia da *Hi bizi haiz, hi* antenaz dagoela, eta oraingoz «jarraitzeko gogo bizi» daudela diote.

A3



EGUNKARIA
Ana Maria Orozco.

'Betty, la fea' telenobela kolonbiar arrakastatsua udan iritsiko da

Urtzi Urkizu | DONOSTIA

Latinoamerikako herrialde askotan sekulako arrakasta lortu du azkenaldian *Betty, la fea* telenobela kolonbiarrak. Beatriz Pinzon Solani izeneko neska itsusi bat da telesailen protagonista, Ana Maria Orozco aktoreak protagonizatua. CRN ekoiztetxearen produktu horretako gidoilari nagusia, berriz, Fernando Gaitan da. Amerikako foiletien artean iraultza moduko bat izan da *Betty, la fea*, lehenengo aldiz protagonista ez baita emakume eder bat.

Bettyk badaki itsusia dela, eta neskazahar geldituko dela uste du. Hala ere, enpresa batean idazkari lanetan hasten denean, bizitza aldatu egingo zaio. Ahalegin handiarekin eta umorearekin, Bettyk argi utziko du edertasun fisikoa ez dela dena bizitzan. Eta bere itxura erakargarriena izan ez arren, beste edozein emakume bezala izan daitekeela maitatua. Espainiako A3 katean uda honetan hasiko dira telenobela emititzen.